



## **Crisis Theologica**

**Cárdenas, Juan de**

**Sevilla, 1687**

Cap. III. An sub ea damnatione contineatur opinio asserens, non esse  
peccatum mortale contra reverentiam Sacramenti, vti opinione minus tuta  
circa valorem eius?

---

[urn:nbn:de:hbz:466:1-75689](#)

# PROPOSITIO I.

69

le? ] Si enim servile est, non licet illum exercere in die festo : si vero liberale est, licet: quia solum prohibentur in die festo opera servilia, non autem liberalia / non enim loquimur in praesenti de forensibus actionibus; nec de exemptionibus, aut nuditinis) Et in hoc sensu opinio, quæ dicit, esse opus servile, dicitur tutior, quamvis non sit opinio practica, quatenus ab illius veritate dependet opinio practica. Et in hoc sensu intelligitur id, quod dicitur in Decreto, quod semper deducenda sit ad proxim opini tutior circa valorem Sacramenti.

10. Ideo non contradicunt decreto ea, quæ dixi in 3. part. Cris. Theolog. disp. 56. cap. 17. art. 3. n. 918. & seqq. vt etiam ibidem notavi, scilicet formalissime loquendo posse vti nos qualibet opinione practice probabili in administratione Sacramentorum, in eo sensu, quod nulla est opinio practice probabilis, si exponit Sacramentum frustrationi. Quia improbabile est, quod extra casum necessitatis, licitum sit exponere Sacramentum frustrationi.

11. Quod si obijcas, hanc opinionem [ validus est Baptismus in lxxiv] esse probabilem, & tamen exponere Sacramentum frustrationi; male ergo diximus, esse improbabilem omnem opinionem, quæ exponat Sacramentum frustrationi?

12. Respondeo, eam propositi nem, licet probabilis sit, tamen formaliter non esse practice probabilem: nam vt diximus, ea non est practica, sed speculativa. Nos autem solum diximus, nullam esse opinionem practice probabilem, quæ exponat Sacramentum frustrationi.

13. Denique observandum est, non esse idem, quod opinio tutior, & quod si probabilior: sepe enim opinio probabilior prescribit valorem

Sacramenti; cum tutior sit illa opinio probabilis, quæ negat valorem Sacramenti. Quare ex tenore decreti tenemur omittare opinionem probabiliorum circa valorem Sacramenti, quando minus probabilis est tutior.

# C A P V T III.

*An sub ea damnatione continetur opinio asserens, non esse peccatum mortale contra reverentiam Sacramenti, uti opinione minus tuta circa valorem eius?*

## SVMMARIVM.

*Scopus huius damnationis est contra eam opinionem, quæ exponit Sacramentum frustrationi. n. 14.*

*Ex dupli titulo charitatis, & Religionis potest intelligi, quod excludatur opinio minus tuta. n. 15.*

*Prima sententia, quæ asserit peccare mortaliter contra Religionem, qui vitetur opinione minus tuta circa valorem. n. 16.*

*Secunda sententia affirmans, id non esse peccatum contra Religionem. n. 17.*

*Peccant graviter conferentes, & recipientes Sacramenta, ita ut frustretur fructus eorum. n. 18.*

*Opinio asserens, non peccari contra Religionem, si admittat, quod licet frustri Sacramentum, subiicitur damnationi. n. 20.*

*Opinio affirmans, numquam esse licitum frustriare Sacramentum suo fructu, licet admittat non peccari contra Religionem, non subiicitur.*

*citur damnationi. n. 21.*  
*Decretum non determinat, an ex titulo  
 charitatis, an Religionis illici-  
 tum sit uti opinione minus tuta.  
 n. 32.*

*Mea sententia ex utroque titulo esse  
 illicitum uti opinione minus tuta. n.  
 23.*

*Obiectio proponitur. n. 24.*

*Sacerdos absolvens cum cognitione  
 probabili de dispositione peniten-  
 tis, utitur opinione probabili circa  
 valorem, sed non relictâ tutiori. n.  
 25.*

14. **T**Amquam certum supponendum est, sub hac damnatione contineri eam opinionem, quæ exponit frustrationi Sacramentum, quod cumque illud sit, extra casum necessitatis. Iste enim est præcipuus scopus huius damnationis. Nam cum decernitur, non posse nos uti opinione minus tuta circa valorem Sacramenti, ideo decernitur: quia dum utimur opinione minus tuta circa valorem, exponimus Sacramentum frustrationi. Nam si ea opinio minus tuta coram Deo non est vera, non erit validum Sacramentum.

15. Difficultas ergo est, an qui dicunt, non fieri irreverentiam Sacramento per hoc, quod quis vatur opinione minus tuta circa valorem, dummodo vere sit probabilis; subiaceant huic damnationi. Pro cuius claritate supponendum est, proibitionem exponendi Sacramentum frustrationi, posse considerari, quod oriatur ex dupli titulo, vel quia præceptum charitatis obliget ad non defraudandum fideles fructu Sacramenti, vel quia præceptum Religionis obligat ad non frustrandum, neque exponendum Sacramentum frustrationi; nempe propter re-

verentiam debitam Sacramento.

16. Non pauci sunt Doctores, qui asserunt peccare mortaliter ministrum contra reverentiam debitam Sacramento, quoties vtitur opinione minus tuta circa valorem Sacramenti. Ita P. Suarez tom. 3. <sup>Suarez.</sup> Valencia in 3. part. disput. 16. sect. 2. & dis- <sup>Valencia.</sup> put. 21. sect. 4. & alijs in locis. P. <sup>P. Soto.</sup> Soto Valencia 3. part. disputat. 6. quæst. 2. punct. 1. P. Henriquez lib. 1. de Sacramento cap. 9. num. 15. Petrus Soto lib. de Institut. Sacerdotis lect. 2. de Eucharist. & plures alij.

17. Secunda sententia affirmit, nullam fieri irreverentiam Sacramento per hoc, quod minister Sacramenti utatur opiaione minus tuta circa valorem; quia censet non esse obligationem exhibendi Sacramentis reverentiam plusquam probabilem; & sufficere, quod minister sibi persuadeat probabilter, nullam fieri irreverentiam Sacramento. Ita Salon 2. 2. quæst. 63. <sup>Salon.</sup> art. 4. controvers. 2. ad 3. Sayrus in <sup>Sayre.</sup> clavi Regia lib. 1. cap. 7. num. 4. Perez. Basilius Ponze lib. 4. de Matrim. <sup>Ponze.</sup> cap. 25. num. 9. Antonius Perez in Laurea Salmantina certam. 10. capit. 12. P. Thomas Sanchez lib. 1. in Decalogum capit. 9. num. 33. P. Vasquez 1. 2. disp. 2. punct. 5. n. 5. & quam plures alij, & ego ipse qui in Cris, Theolog. part. 1. tract. 1. disp. 15. cap. 4. artic. 11. num. 341. docueram esse peccatum loethale exponere Sacramentum frustrationi, sequendo opinionem probabilem minus tutam circa valorem propter præceptum charitatis obligans ad non defraudandum fideles fructu Sacramenti; postea ibid. num. 343. docui, vtentem opinione minus tuta circa valorem non peccare mortaliter contra reverentiam

tentiam Sacramenti, sed solum contra charitatem.

18. Et quidem non licere expōnere Sacramentum, frustrationi, ne fideles defraudentur fructu Sacramenti ex eo etiam constat, quod Sacraenta instituta sunt ad hoc, vt fideles fructum eorum percipient: & ita de iure divino est, vt confiantur Sacraenta eo modo, quod non amittatur fructus, ad quem instituta sunt Sacraenta.

19.<sup>ii</sup> In hac ergo difficultate, circa quam inquiritur, an subiiciatur huic damnationi opinio afferens, non esse contra reverentiam Sacramenti vsum opinionis minus tutæ circa valorem,

*Lumb.* Raymundus Lumbier tom. 3. Sum. in explicatione huius 1. propositionis, §. 1.n. 1681. affirmat, eam opinionem incurrere eam damnationem. Et videtur eodem modo intelligi damnationem 1. propositionis ab Emmanuele de Filguera in Lucerna decretali in expōsitione huius 1. propositionis.

20. Prima conclusio. Opinio afferens, non peccari contra reverentiam Sacramenti, si quis vtatur opinione minus tutæ circa valorem extra easum necessitatis, si simul admittat, quod re ipsa possit frustrari Sacramentum; talis opinio subiacet huic damnationi. Id constat clare ex ipso tenore propositionis damnatae. Nam expresse damnatur propositio, quæ exponit Sacramentum frustrationi: atqui opinio relata exponit Sacramentum frustrationi, quia cum ea opinio minus tutæ possit esse falsa coram Deo, eadem contingentia poterit frustrari Sacramentum: ergo subiacet huic damnationi.

21. Secunda conclusio. Opinio, quæ affirmat, nunquam esse licitum exponere Sacramentum frustrationi, ne fideles defraudentur fructu Sacramenti, simul admittens non peccare contra reverentiam Sacramenti eum,

qui vtitur opinione minus tutæ circa valorem, non incurret hanc damnationem. Probatur. Propositio, quæ incurrit hanc damnationem est illa, quæ exponit Sacramentum frustrationi: sed hæc propositio proxime relata non exponit Sacramentum frustrationi: ergo non incurrit hanc damnationem. Minor patet, quia expresse proponit, esse peccatum mortale exponere Sacramentum frustrationi.

22. Confirmatur. Nam quamvis hoc decretum condemnet opinionem, que afferit, esse licitum sequi opinionem minus tutam circa valorem; nullum tamen verbum est in decreto, aut in ipsa propositione damnata, quo exprimatur esse illicitum contra reverentiam Sacramenti potius, quam propter tuendum fructum Sacramenti: ergo solum decernitur id, quod attinet ad non exponendum Sacramentum frustrationi: ergo dum Sacramentum servatur indemne à frustratione, non damnatur propositio. Sed opinio proxime relata servat Sacramentum indemne à frustratione: ergo non subiacet damnationi.

23. Quod si inquiras, quænam tandem sit mea sententia circa eam questionem, [An fiat irreverentia Sacramento per vsum opinionis minus tutæ circa valorem?] respondeo, quamvis loco citato docuerim non peccare contra reverentiam Sacramenti, sed solum contra charitatem, & contra institutionem Christi de non impediendo fructu Sacramenti; quatenus defraudentur fideles fructu Sacramenti; re melius perspensa, modo affero, esse peccatum mortale, non solum ex hoc titulo, sed etiam ex eo, quod sit contra reverentiam Sacramenti. Ratio, quæ me movet, est: nam confidere Sacramentum irritum, est peccatum mortale contra reverentiam Sacramento debitum: ergo exponere se periculo confiendū

ciendi Sacramentum irritum, est etiam peccatum mortale contra eamdem reverentiam. Patet consequentia:  
*Quia in moralibus perinde est aliquid facere, & exponere se periculo faciendi.*  
 Suar. Vt loquitur P. Suarez in ea disp. 16. sect. 2. Confirmatur. Nam cum dicis solum peccare Ministrum in eo casu, quia exponit actionem, vt Fideles maneant defraudati fructu Sacramenti; in hoc ipso involvitur irreverentia contra Religionem Sacramenti. Ideo enim peccat exponendo defraudationi fructus, quia Sacramentum institutum est ad hoc, vt Fideles percipiant fructum eius: ergo peccat contra ipsam institutionem Sacramenti, & non solum contra utilitatem Fidelium: ergo dum defraudat Fideles fructu Sacramenti, non solum peccat contra charitatem, sed etiam contra Religionem Sacramento debitam. Et cum hoc stat, quod illa opinio in terminis secundæ conclusionis non incurrat hanc damnationem.

24. Obijcies. Aliquando continet, quod quis absque peccato vtratur opinione probabili circa valorem, per quam exponatur Sacramentum frustrationi, etiam extra casum necessitatis: ergo non peccat, qui exponit Sacramentum frustrationi. Probatur antecedens. Nam Sacerdos absolvit poenitentem, habens cognitionem dumtaxat probabilem de recta poenitentis dispositione, sive de vera contritione, aut attritione illius, quæ quidem cognitio probabilis versatur circa valorem Sacramenti, cum sit de materia essentiali Sacramenti, nempe contritione; & cum ea cognitio sit mere probabilis, exponitur Sacramentum frustrationi; si enim ea cogitatio falsa sit, quia re vera poenitens non habet dolorem requisitum ad valorem, Sacramentum frustrabitur. Ecce ergo quomodo absque peccato, vtimur opinione probabili cir-

ca valorem, per quam Sacramentum exponitur frustrationi. Et hæc obiectio militat etiam contra hoc decretū.

25. Sed respondeatur, eam nihil obstat huic Decreto. Nam iuxta illud non possumus eligere in praxi opinionem probabilem circa valorem Sacramenti, relicta tutiori; non potest autem dici, quod relinquitur tutior, quando impossibile est ponere tutiorem. Quod in casu huius obiectiōis evenit. Est enim impossibile, vt in plurimum, quod Confessarius habeat cognitionem plusquam probabilem de legitima dispositione poenitentis, cum ea cognitio nitatur dicto poenitentis, aut alijs signis externis fallilibus; & ideo operatur iuxta cognitionem facti probabilem, sed non relinquit tutiorem, quia s̄pē impossibile est ponere tutiorem: quia si deberet ponere tutiorem taliter, quod Sacramentum non maneret expositum frustrationi, fere nunquam posset absolvere poenitentem, nisi in mortis articulo, cum fere numquam posset esse certo securus de legitima poenitentis dispositione.

26. In forma ergo respondeo, distinguendo antecedens: absque peccato vtritur cognitione probabili, per quam exponitur Sacramentum frustrationi, [relicta tutiori,] nego; [non relicta tutiori,] concedo. Et ad probationem patet ex dictis, quomodo Confessarius vtritur cognitione probabili circa valorem, non relicta tutiori.

CA.